


349474

Kettkamp ID Mag. St. Dr.



549474

III

E. XII, 23

349474

III br



EPISTOLA RESPONSORIA

AD IRREGULAREM
REFUTATOREM

MEMORIALIS AD
STATUS REGNI,
DIRECTI.



Omnibus præsentes Lecturis Pacem &
Salutem in Domino.

CRedidissem amice Lector, impium Quisquiliarum
Sciolum, mendacem Gallomachorum Scriptua-
rium, mutum inter mania Gedanensis, ceu ca-
stra Lublinensis, hactenus latitantem, aut tormen-
torum reboatu emortuum? aut aliò quovis malò Fatò, ad ab-
dita abreptum? jam pñas luere pro peccatis, nisi refutatum à
se Memoriale, à Legum memoribus & Patriæ Civibus, ad Amplissimos Regni Poloniæ & M. D. Lithuaniae Status, sub Augustissimis, Felicissimæ Coronationis Serenissimi AUGUSTI III.
Feriis, Cracoviâ directum, hunc simulatum Pauperem Matris
DEI, superstitem indicasset. Quem itaque ab inferis redivivum,
pro consolatione, desperatis partium Stanislai Actoribus, Patro-
num; Factioni Primatiali Tutorem, suis Quisquiliis Socium;
ac mihi æmulum gratulor supervivum. Cum quo equidem non
injucundum mihi foret, ac volupe certare, si non à malè feriato
Scholari, (mihi enim cum viris agendum est) petulanti conten-
tione, ingenii exercendi ostentandique gratiâ, ad Rhetorum de-
cla-



2

clamations, Poëtarum deliria, quibus vulgo rerum imperito
placere studet (quæ ego pueris in scholis relinquo decertanda)
me probè scirem provocari. Cum quo (ut verum fatear)
nec libet nec etiam par est calamo indulgere. Denique: cùm
ejus argutiæ, sophismata, & repudii Libelli, alibi & ab aliis,
jam pridem ad sufficientiam sint refutati, repudiati, & ad pali-
nodiam damnati, ut nullum jam artificium aut ingenii iniquitas
obstet, quo minus apertè videant, per conjuratos, in veterem
Regni Usurpatorem, asseclas, spretis Divinis humanisque Legi-
bus, dignitatem, jura, privilegia, libertates Poloniæ convulsa es-
se, nihil reliquum est ad videndum, quod visum non sit? nihil
patefaciendum, quod non patefactum sit? nihil legendum, quod
non sit lectum? nihil scribendum, quod non sit scriptum? ita,
ut non opus sit, per eadem sapientia repetita, plus crambem in ore
legentium repetere. Maxime, cùm jam cooperante Gratia
DEI, (per quem Reges regnant) miserorum calamitate deplora-
ta Civium cæcitas, deposito cordis velamine, in cognitionem &
recognitionem Unius, Veri, & Legitimi Regis Poloniarum AU-
GUSTI Tertii, impulsa, Dominum suum agnoverit, altô silentio
omni contentioni, liti, juriis, & controversiis, Herculeum non
plus ultra, parte ab utraque prædefinitum. Quod ne tu licen-
tiose Garrule (nisi te ipse vis ire perditum) & religiosæ mode-
stiaæ limites, plus ultra excedere contendas tuô cerebellô, admoni-
tum te scias cum Phormione: DEI quippe ministrum vagis
mundi cogitationibus vacuum, & sanctis intentionibus plenum es-
se oportet: tanto enim quis melior religiosus habendus, quanto
minus turbarum mandi gnarus est. Religiosorum status poscit
ut inclusi (non cum armatis latronibus Patriam devastantibus hic
illuc divagantes) pacificè & tranquillè vitam agant: alioquin
enim religiosus Apostata habetur Spiritualis. Religiosorum quip-
pe

pe bonorum manus laboribus; corpus jejuniis, linguam precibus
 (non calumniis, mendaciis, detractionibus) animum contem-
 platione occupari par est. Nam si Cives in sanguine effundendo
 occupantur, religiosum probum fundendo lacrymas, pro peccatoribus
 occupari converit. Et hæc sit tibi nunc adæquata responsio,
 ad futilem & inanem, omni prorsus responsione indignam Tu-
 am refutationem, barbarâ & insensatâ Musâ concinnatam. Sit
 (inquam) tibi instructio hæc pagina, Vocationi tuæ & Statui per-
 quam conveniens & salutaris. Disce hinc piè & religiosè vive-
 re: *Diverte à malo & fac bonum, inquire pacem & persequere*
eam. Da D E O & Regi Honorem & Gloriam. Postremò;
 sit tibi pro complemento hujus Epistolæ, memoriale cordi &
 menti altè inferendum: *Bella viri pacemque gerant, sua tem-*
pla Sacerdos curet.

Vale si te valere cupis

mpp.

Datum Idibus Iuli

1734.

P.C. Benevolus Lector dignabitur hæc dicta ad instructionem
 unius, etiam alteri ejusdem figlinæ magistro, non mul-
 tum inter se discrepanti socio scelerum, Pædagogo Pri-
 matiali, proportionatè applicare; cui ego pro memo-
 riali, jucundum illud cum Kochanovio occino carmen:
Tu ne lude DEOS sed srogum vara piorunum.



Biblioteka Jagiellońska



stdr0023257

